



*« Ankamasino amin’ny fahamarinana izy ireo. Ny teninao no fahamarinana » (Jo. 17: 17)*

Ry Kristianina havana, tamin’ny Alakamisy lasa teo isika no nankalaza ny niakaran’ny Tompo any andanitra. Naniraka antsika izy hizara ny Vaovao Mahafaly eo anivon’izao tontolo izao na dia tsy anisan’izao tontolo izao aza isika, naniraka antsika hanambara ny fandresena ny ratsy. Maro ny zavatra manahirana antsika sy mahatonga antsika ho feno fisalasalana ary indrindra mety mitady hanome tsiny an’Andriamanitra aza nefa isika izao no apostôly, isika izao no Kristianina mpanara-dia

Vakiteny I : Asa. 1: 15 – 17, 20a, 20c – 26

Tononkira : Salamo 103

Vakiteny II : 1 Jo. 4: 11 – 16

Evanjely : Jo. 17: 11b – 19

an’i Kristy, isika izao no Kristy mpiara-belona amin’ny olona hoy isika matetika. Nandritra ny vanimpotoan’ny Paka dia nandinika ny toetran’i Jesoa isika, nasongadintsika isaky ny Alahady ny toetran’i Jesoa mba hivelomantsika tahaka azy ka androany Alahady fahafito izay manomana antsika amin’ny Pantekôty

fandraisantsika ny Fanahy Masina izay mampiombona fa tsy mampikombona, ny Fanahy mampiombona no mahatonga antsika ho génération des bâtisseurs miaraka manorina ny Eglizy Olona Velona. Izany no azo amintinana ny hafatry ny Eglizy amin’izao Alahady faha-7 ny Paka izao, izany koa ny vavak’i Jesoa henontsika amin’ny Evanjely. Fantatr’i Jesoa ny zava-misy iainantsika, ny fiainantsika tsirairay, ny olombelona tsirairay ka talohan’izy hiala teto ambony tany dia nanao karazana testamenta izy izany hafatra farany, niara-nivavaka tamin’ny mpianany izy, fantany fa ho maro ny fahavalo, hampisarakana sy hanapotika ny Eglizy izany hoe ny fiombonana Aminy sy amin’izay hihaino ny hafatry ny Apostoly ka atao batemy. Ary tsy lavitra matetika ny ipoiran’izanyfanopetahena fa eo anivontsika noho ny toetrantsika olombelona : ny fiavonana, ny

fitiavan-tena, ny fitiavana manapotika. Dia nivavaka i Jesoa hoe “mba ho iray tahaka ho antsika izy ireo” izany hoe tahaka ny Trinite Masina, samy manana ny fahasamihafana, samy manana ny maha izy azy fa olona iray kosa ao amin’ny Trinité Masina. Toy izany koa ny amin’ny Eglizy, na dia eo ny fahasamihafana fa raha miombona amin’ny Fanahy Masina isika dia afaka mitondra sy mamelona ny fahasamihafana hitondra zava-tsoa raha samy feno fanetrentena, fahafoizana, faharetana eo anatrehan’ny hafa ka hikatsaka ny soa iombonana dia zary biriky entina hanorenana ny Eglizy Tranon’Andriamanitra sy Eglizy Olona Velona. Fampianarana lehibe ho antsika tokoa ity Alahady fahafito ny Paka amin’izao dingana tiantsika atao amin’ny fanorenana ny EOV fa indrindra isika miroso amin’ny filankevitra pastôraly handinihantsika ny fomba hanorenana an’izany EOV izany. Ny fanilikilana sy ny tsy firaharana ny hafa dia vokatry ny toetrantsika. Mitaky fibebahana sy vavaka.

Nivavaka i Jesoa mba ho iray isika, fampianarana voalohany ho antsika izany. Aza mieritreritra isika fa ny angovontsika samirery no entintsika hanorenana ny fiombonana sy ny Eglizy Olona Velona, marina ilaina ny ezaka ataontsika tsirairay avy fa ny vavaka no ilaina entina hanampy antsika hanatanteraka izany. Hoy Jesoa “Ray masina ô, tahirizo ireo nomenao ahy mba ho iray tahaka antsika izy ireo. Io vavaka nataon’i Jesoa io no mampiombona antsika. Mila mivavaka isika fa indrindra ho an’ny firenentsika azo lazaina fa mifamahofaho tokoa ny toe-piainan’ny malagasy. Mila vavaka isika eto Madagasikara, eto amin’ny faritra misy antsika, eto amin’ny diosezintsika fa indrindra isika hiroso amin’ny lalindalina kokoa amin’ny fanorenana ny EOV. Mila vavaka isika mba ho fanahin’Andriamanitra no mampiombona antsika izay ankalazaintsika amin’ny pantekôty. Raha mahasarika isika di any fitiavambavaka ny toe-panahy voalohany fototra hanorenana ny ETA sy EOV.

Hahafantarantsika fa miombona tokoa isika dia ny hafaliana, mitoetra eo amintsika Andriamanitra raha mivavaka isika, raha mitoetra ao amintsika Andriamanitra, isika ao aminy dia tanteraka ny fanorenana ataontsika, izany no mitondra hafaliana lavorary satria tsy vokatry ny hevitr’izao tontolo izao fa vokatry ny asan’ny Fanahy Masina izay manentana antsika ka na dia eo aza ny zavatra maro samihafa mety manahirana satria anjaram-piainantsika olombelona ny fahasahiranana, Ady sady Dia ny fiainana. Raha miombona tokoa isika tahaka ny nampianarin’i Kristy izany hoe ny toetran’i Kristy nodinihantsika isaky ny alahady ny Paka no iainantsika anisan’izany ny toetran’i Jesoa tonga teto anivontsika hanompo fa tsy ho tompoina. Raha io fiainan’i Jesoa io no hifotorantsika dia mitondra hafaliana marina. Izany toetra fototra tao amin’i Jesoa dia ny fanompoana dia toetra fototry ny Kristianina koa. Nilaza i Jesoa ao amin’ny evanjely hoe “ tsy anesorana azy amin’izao tontolo izao no angatahiko fa ny fanesorana azy ireo amin’ny ratsy”. Satria ny hevitr’izao tontolo izao dia manapotika, mamono, ny fiadivana an’izany ratsy izany dia ny fanompoana. Ny ratsy lazain’i Jesoa eto dia ilay fialonana, fitiavan-tena, avonavona. Eo anivon’izao tontolo izao fa tsy anisan’izao tontolo izao isika izany hoe tsy manana ny toetran’izao tontolo izay notanisaintsika dia ny fitiavan-tena, ny fialonana izay manapotika ny fiainantsika sy ny fifandraisantsika amin’Andriamanitra, manapotika ny fifandraisantsika samy isika, mifanilikilika isika, tsy misy intsony ny fiombonana, manapotika koa ny tontolo iainana manodidina antsika mahatonga antsika tsy hiaro fa hanapotika. Aoka isika hanana ny toetran’i Jesoa, eo anivon’izao tontolo izao isika fa tsy anisan’izao tontolo izao. Tsy inona izany fa ny fanompoana satria io no mampiombona ka zary fahazavana sy fanilo eo amin’ny manodidina antsika isika. Mizara fanantenana no asan’ny Eglizy eo anivon’izao tontolo izao izay mikoroso fahana ankehitriny tahaka ny manjo ny firenentsika amin’izao fotoana izao.

“Ankamasino amin’ny fahamarinana izy ireo” hoy ny vavaka nataon’i Jesoa. Izany no làlana entintsika mampijoro ny fiombonana ao anatin’ny fahasamihafana, aoka ho fahamarinana ny

fiainantsika. Madagasikara tsy mahantra, manan-karena izy ary maro ny manam-pahaizana, maro ny mpanao politika eto amintsika fa mahantra olomarina isika.

Anjaram-piainantsika Kristianina, raha te-hiombona amin'i Kristy isika, raha te-ho masina dia hijoro amin'ny fahamarinana isika, aoka ho olomarina isika. Manana modely isika amin'izany dia ny olontsambatra Lucien Botovasoa. Ny tenin'Andriamanitra no hanovozantsika ny fahamarinana. Izany no fiainan'i Lucien Botovasoa, ny evanjely sy ny tenin'Andriamanitra no làlam-piainany. Aoka isika ho feno fahamarinana ka hanovo izany ao amin'ny tenin'Andriamanitra.

Ny vakiteny voalohany manambara ny antony nahatonga ny apostôly nifidy izay nisolo an'i Jodasy, mba ho fijoroana vavolombelon'ny fitsanganan-ko velona *“dia aoka hisy anankiray ho namantsika mba ho vavolombelon'ny nitsanganany tamin'ny maty”*, tsy hoe firehan-kevitra no arahina fa olona velona manambara amintsika ny làlana sy fahamarinana dia i Jesoa Kristy.

Izany no kriterana nosafidianana izay hisolo an'i Jodasy ho Vavolombelon'ny fitsanganan-ko velona tahaka ireo apostôly *“Koa amin'ireo lehilahy niaraka tamintsika tamin'ny andro rehetra nitoeran'i Jesoa Tompo teto amintsika, 22 hatramin'ny nanaovan'i Joany batemy azy ka hatramin'ny andro niakarany any an-danitra, dia aoka hisy anankiray ho namantsika mba ho vavolombelon'ny nitsanganany tamin'ny maty.”* Izany koa no anjarantsika fa indrindra aorian'ny fankalazantsika ny Paka, génération de batisseur mandresy ny ratsy rehetra isika satria miaraka amin'i Kristy ka ho vavolombelon'ny fitsanganan-ko velona. Ny hahafahantsika hanantanteraka izany dia ny fifankatiavana satria hitoetra ao amintsika Andriamanitra. Io no masosivana fa mampijoro Eglizy Olona Velona isika raha mifankatia, hiezaka mifanombo, mikatsaka mandrakariva ny soa iombonana, mampanjaka ny rariny sy ny hitsiny. Mijoro amin'ny fahamarinana fa izany no mitondra amin'ny fihavanana sy hafaliana tanteraka. Tsy hoe tany malemy hanorenana-pangady ny fampijoroantsika ny EOJ fa maniraka antsika ho tahaka an'i Kristy hiombona anjara amin'ireo manodidina antsika, hikatsaka mandrakariva izay hampivelatra ny fiainantsika ka hahitantsika ny tena fandrosoana marina sy fandrosoana ny olona rehetra.

Ry Jesoa Tompo ô, nanao vavaka lava be ianao mba hampisy ny firaisana eo amin'ny mpanara-dia anao, fantatrao ny zava-misy eo amin'ny fiainanay matoa ianao nanao ny vavaka manokana ho anay, izany koa no antoky ny fampandrosoana ny fampijoroana sy fanorenana ny Eglizy Olona velona, tantano ny fiainanay, ampio izahay ho vavolombelon'ny fahamarinanao. Nivavaka ho anay ianao mba ho iray tokoa izahay fa indrindra fantatrao fa noho ny avonavona, noho ny fitiavan-tena dia matetika izahay no misarasaraka, ampio izahay hanana fanetrentena ka hiaiky heloka ka amin'ny alalan'ny fanompoana no entinay hampijoro hanorina ny EOJ. Ry Jesoa Tomponay ô, efa henim-boninahitra eo anilan'ny Ray ianao ankehitriny ka aza avelanao handeha irery izahay, ampio izahay hahazo hery amin'ny fanorenana ny EOJ sy amin'izao fiomanana ny filankevitra pastôraly handinihana ny fanorenana ny EOJ izany. Amen

Mompera Arseveka Mgr Benjamin Ramaroson